

01/3

BOSNA I HERCEGOVINA
UPRAVA ZA INDIREKTNO OPOREZIVANJE
BANJA LUKA

ODJELJENJE ZA KOMUNIKACIJE I MEĐUNARODNU SARADNJU

Broj: 01/3-50-4-UP/I-28-19/20

Banja Luka, 07.07.2020. godine

Na osnovu člana 14. stav 3. Zakona o slobodi pristupa informacijama u Bosni i Hercegovini („Službeni glasnik BiH“, broj: 28/00, 45/06, 102/09, 62/11 i 100/13), te člana 5. stav 1. tačka b) Pravilnika o unutrašnjoj organizaciji u Upravi za indirektno oporezivanje („Službeni glasnik BiH“, broj: 29/13) u postupku odlučivanja po zahtjevu Notarske komore Federacije BiH iz Sarajeva, za pristup informacijama, Odjeljenje za komunikacije i međunarodnu saradnju, d o n o s i

R J E Š E N J E

Odbija se Notarskoj komori Federacije BiH iz Sarajeva pristup informacijama o visini pojedinačnih mjesečnih PDV prijava za period od 01.05.2018. do 30.04.2020.godine i to za notarske urede:

- [] iz Sarajeva,
- [] iz Sarajeva,
- [] iz Sarajeva,
- [] iz Sarajeva,
- [] iz Zenice,
- [] iz Ilidže,
- [] iz Sarajeva, i
- [] iz Sarajeva.

O b r a z l o ž e n j e

Notarska komora Federacije BiH podnijela je dana 08.06.2020. godine Upravi za indirektno oporezivanje BiH Zahtjev za pristup informacijama, u kojem se traži dostavljanje podatka o visini pojedinačnih mjesečnih PDV prijava za period od 01.05.2018 do 04.2020.godine i to za notarske urede:

Vezano za traženu dokumentaciju, nadležni organ nalazi da isti uključuju povjerljive komercijalne interese treće strane. U skladu sa članom 7. Zakona o slobodi pristupa informacijama u BiH („Službeni glasnik BiH“, broj: 28/00, 45/06, 102/09, 62/11 i 100/13) nadležni organ je po hitnom postupku obavijestio treću stranu (osam notarskih ureda) o pojedinostima zahtjeva, te zatražio saglasnost za objavu informacija od svakog pojedinačnog notarskog ureda.

Navedeni notarski uredi su svojim aktima, broj:

) isključivo naveli da nisu saglasni za javno objavljivanje.

Takođe, u skladu sa čl. 52. Zakona o postupku indirektnog oporezivanja („Službeni glasnik BiH“, broj 89/05 i 100/13): „Podaci, zapisi ili izvještaj koje UIO dobije kao rezultat izvršavanja obaveza po osnovu indirektnih poreza posebno su povjerljivi i mogu se koristiti samo za potrebe indirektnih poreza ili za izricanje sankcija indirektnih poreza. Podaci se ne mogu ustupiti ili objaviti bilo kojoj drugoj strani, osim u slučajevima saradnje sa deset navedenih organa.“ Iz čega proizilazi da prema čl. 52. Zakona o postupku indirektnog oporezivanja nije moguće ustupiti Notarskoj komori FBiH tražene podatke prema zahtjevu upućenom ovoj upravi na dan 08.06.2020. godine.

U skladu sa navedenim, nadležni organ utvrđuje izuzetak za objavu traženih podataka.

Slijedom navedenih činjenica, odlučeno je kao u dispozitivu rješenja.

Pouka o pravnom lijeku: Protiv ovog rješenja podnosilac zahtjeva ima pravo podnošenja žalbe direktoru Uprave za indirektno oporezivanje u roku od 15 dana od dana prijema rješenja. Žalba podliježe plaćanju takse u skladu sa Zakonom o administrativnim taksama („Službeni glasnik BiH“, broj: 16/02, 19/02, 43/04, 08/06, 76/06, 76/07, 03/08, 42/08, 03/10 i 98/12). Rješenjem se upućuje podnosilac zahtjeva da ima pravo obraćanja Ombudsmenu za ljudska prava BiH, Akademika Jovana Surutke 13, 78000 Banja Luka.

Dostaviti:

1. Anica Nakić, Notarska komora Federacije BiH,
2. Odjeljenju 01/3 2x

3. a/a



NAČELNIK ODJELJENJA

Ratko Kovačević

78000 Sarajevo (uz dostavnicu)